


PRAAT MAR  
TOANIEL!

GROEP 7 EN 8, ÛNDERBOU FU

# Sake



## By sêne 1

### Suertsje

*Allegear:*

Sake is in suertsje  
Sake is net fûl  
Sake is sa slop as fiterdrop  
en Sake is net cool  
Sake stiet te dreamen yn 'e sinne  
en de hiele wrâld rint oer him hinne

*Sake:*

Sa tinke de oaren oer my  
mar dan tink ik: Hoe komme se derby?  
Ik bin tefreden mei myn libben,  
mei alles wat ik ha  
Ik hoech net mear, ik hoech net minder,  
ik kin hjir wol mei ta

*Allegear:*

Sake is in suertsje  
Sake is net fûl  
Sake is sa slop as fiterdrop  
en Sake is net cool  
Sake hat in suterich bestean  
Hy draacht ek fan dy suterige klean

*Sake:*

Sa prate de oaren oer my  
No ja, tinke en prate, dat stiet frij  
Se meie tinke wat se wolle,  
ik lit se rêstich roppe  
Jim sizze: ik stean der bûten?  
Wolnee, ik stean derboppe

Wa moat der noch in suertsje  
of in stikje fiterdrop?  
As it moat fret ik jim allegearre op!

## By sêne 2

### Willy Wonka's superreep

Wat is de bêste sûkelade yn 'e wrâld  
dêr't elkenien mei goeie smaak  
sa'n soad fan hâldt?

Willy Willy Wonka  
Willy Willy Wonka  
Willy Willy Wonka  
Superreep  
Hazzenút of butterscotch,  
wite mei rezinen

Willy Willy Wonka  
Willy Willy Wonka  
Willy Willy Wonka  
Superreep  
Foar de swiete mûle  
is gjin better' reep te finen

In feest foar de tosken en de tonge  
al ha wy der ek de bek fan fol,  
we bliuwe fleurich sjongen

Willy Willy Wonka  
Willy Willy Wonka  
Willy Willy Wonka  
Superreep  
Mei karamel of kofjesmaak  
fanylje of mei rys

Willy Willy Wonka  
Superreep  
it sûkeladeparadys!!



### By sêne 3

#### Fiif gouden wikkels

Der giet in flústering troch it lân  
Fiif gouden wikkels, fiif gouden wikkels  
Der is fan alles oan 'e hân  
Fiif gouden wikkels, fiif gouden wikkels  
Elkenien jaget op de fiif gouden wikkels  
mei it swit op 'e kop en de kribels yn it liif  
len, ien, twa, twa, trije, trije, fjouwer, fjouwer, fiif!

Eltse Willy Wonka Superreep  
sit yn in wikkeltsje fan sulverpapier  
Sulverpapier mei in pimpelpearse streep  
It wiermerk fan 'e echte Willy Wonka Superreep!

Mar harkje allegear, heechacht publyk  
Der is in priisfraach fan it suertsjefabryk  
Der binne ien, twa, trije, fjouwer, fiif repen  
Ja, jim hearr' it goed, jim ha it goed begrepen  
yn in gouden wikkel! En wa't der ien fynt...  
Wat kinne jim winne as sa'n wikkel ferskynt?  
Wat kinne jim winne as sa'n wikkel ferskynt?

De priis is absolút unyk  
Fiif gouden wikkels, fiif gouden wikkels  
In magyske reis troch it suertsjefabryk  
Fiif gouden wikkels, fiif gouden wikkels  
Dus sykje allegear nei de fiif gouden wikkels  
Skuor dyn nagels stikken en dopje dy de fingers stiif  
len, ien, twa, twa, trije, trije, fjouwer, fjouwer, fiif!

Dus, wolkom allegear, heechacht publyk  
Wolkom 'beste kijkers' yn Tersoal en De Gordyk  
Jûn is de jûn: binn' de gouden wikkels fûn?  
Wa binne de lokkigen, wa hat it wûn?  
Jim sjogge 't yn 'e Gouden Wikkelshow dizze jûn! (3x)

Kom op, publyk, 'laat es wat horen'!  
Applaus foar ús presintatoaren:  
Fleur du Mal en Mike van Oen!  
Wa? Fleur du Mal en Mike van Oen!

## By sêne 5

### Chocolateria

Chocolateria  
Chocolate mi amor, amor  
Chocolateria  
Chocolate por favor

Trabajamos para Willy Wonka  
Tocamos las guitarras  
Suena Plinka Plonka  
Cantamos todas las dias

Chocolateria  
Chocolate mi amor, amor  
Chocolateria  
Chocolate por favor  
Chocolate por favor

Chocolateria  
Chocolate mi amor, amor  
Mar fret mar net tefolle  
Dan kinsto net mear troch de doar

Dan krijsto rotte tosken  
En litsto fize sketen  
Dan krijsto in kop as in ko  
Bambolero que si que no  
Bambolero que si que no

## By sêne 6

### Krak de nút

Krak de nút, krak de nút  
Krak de nút in dva  
Krak de nút, krak de nút  
Krak de nút in dva  
Krak de nút, krak de nút  
Krak de nút in dva

Wonka Wonka hotchacha,  
de bêste sil er hahaha  
Wonka Wonka hotchacha,  
de bêste sil er ha!

Mar fine wy in minne nút  
dan donderje wy dy nút derút  
en ûnderwilens sjonge wy: Kalin kakaja

Krak de nút, krak de nút  
Krak de nút in dva  
Krak de nút, krak de nút  
Krak de nút in dva



## By sêne 7

### Trochkôgje

Sjoch, dit is myn dochter, dit is myn dochter, sjoch  
Trochkôgje (Hop!) Kôgje troch, kôgje troch  
Se kôget as se wekker wurdt en jûns kôget se noch  
Trochkôgje, (Hop!) Kôgje troch, kôgje troch

Myn dochter is mei rjocht 'een heel bijzonder kind'  
Se kôget net in bytsje, nee, 't is in natoertalint  
In goeie kombinaasje fan krêft en technyk  
Toksen fan beton en in bek fan elastyk!!

Hast noch nea sawat sjoen, myn dochter Violet wurdt  
wrâldkampioehoehoehoe...

Sjoch, dit is myn dochter, dit is myn dochter, sjoch  
Trochkôgje (Hop!) Kôgje troch, kôgje troch  
Fansels moat se trene, dat is in hiel gedoch  
Trochkôgje (Hop!) Kôgje troch, kôgje troch

Se stiet op in dieet fan Xylifresh en Stimorol  
En no en dan in reade of in blauwe kaugombal  
Ik soargje foar de psychyske mintale motivaasje:  
Klappen foar de kont mar ek in tût foar in prestaasje

Dat is allinnich mar sûn, myn dochter Violet wurdt  
wrâldkampioehoehoehoe ...

Mar úteinlik moat se it sels wolle  
Om my hoecht se echt net troch te gean  
Mar it soe foar harsels sa aardich wêze  
As se yn it 'Guinness Book of Records' kaam te stean!

Sjoch, dit is myn dochter, dit is myn dochter, sjoch  
Trochkôgje (Hop!) Kôgje troch, kôgje troch  
Se kôget as se wekker wurdt en jûns kôget se noch  
Trochkôgje, (Hop!)  
Kôgje troch, kôgje troch, kôgje troch, kôgje troch  
Kôgje troch, kôgje troch, kôgje troch, kôgje troch  
Kôgje troch, KÔGJE TROCH!!

## By sêne 8

### Ferjit hoe't it wie

Ferjit hoe't it wie, tink oan hoe't it wurdt  
want de tiid giet fierder, hurd, hurd, hurd  
Dêr is de takomst al, earder asto tochtst  
dêr is de takomst al  
Do witst net watsto sjochst  
Do witst net watsto sjochst!

Ferjit hoe't it wie, tink oan hoe't it wurdt  
want de tiid giet fierder, hurd, hurd, hurd  
Dus traapje de takomst op syn sturt!

Want it libben is in sûkerspin  
dêr't elk in hap fan nimme kin  
in toverbal mei hûnderttûzen kleuren  
en ik wit, en ik wit, en ik wit, en ik wit  
dat dyn favorite kleur der tusken sit

Ferjit hoe't it wie, tink oan hoe't it wurdt  
want de tiid giet fierder, hurd, hurd, hurd  
Dêr is de takomst al, earder asto tochtst  
dêr is de takomst al  
Do witst net watsto sjochst  
Do witst net watsto sjochst!

Ferjit hoe't it wie, tink oan hoe't it wurdt  
want de tiid giet fierder, hurd, hurd, hurd  
Dus traapje de takomst op syn sturt...  
...ooooh!!!!

